

اعتصام

۲۲ زی الحجہ سنہ ۱۳۳۷

۱۸ ایلول سنہ ۱۳۳۵

{ منافع عامہ بہ خادرم مجموعہ اسلام پورہ }

احمد شیرانی

اخلاقہ دشمنانق انسانیتہ دشمنلقدر

امین خاکی

تستر ، فحش و اسباب فحش

علی رضا

دینسزاسکک اسباب و عواملی

طاہر المولوی

بحارادہ علم و علما

محمد فوزی

دوکونلردہ اسراف

محمد الدین

غزل

معلم فیضی

بشریتک باشلانغی - انکشافانی



فیئات (۵) غروشدر

محل اداره : قاصح - اعتصام

۱۳۳۸

صاحب امتیاز
احمد شیرانی

اعتصم

مدیر مسئول
احمد شیرانی

واعتصموا

۲۲ ذی الحجہ
۱۳۳۷ سنہ

{ ہر پنجشنبہ کو فی نشر اول نور }

۱۸ ایلول
۱۳۳۵ سنہ

اخلاقہ دشمنلق انسانیتہ دشمنلقدر

اخلاقہ مزلفك اوكنی آلق ایچون ، دائرہ مشیختہ تشکیل اولنان انجمنك مساعیسی علیہہ وقوعہ كن تعریضات و تنقیدات آرقہ سنده کیزلہن ریاکار چہرہ لرك نقاب و حجابی قالدیرہ راق حقیقی مقصدلری افراد ملتك انظار استکراہنہ قویع املی ، بزی ، بومسئله ایله تکرار اشتغالہ سوق ایتدی . ملتك بنیہ اجتماعیہ سی ، ورم و فرنگی خستہ لقلرندن زیادہ صارصان و بلکہ اوللرکدہ مولدی اولان اخلاقہ مزلق آفت عمومیه سنك دفع و رفی و ہیچ اولماز بنہ تحدید و تقلیل ایچون تدبیرلر اتخاذ ایتك مقصدیلہ طویلانان بر انجمنی آلقشلاق و مدققانہ نشریائلہ وظیفہ لری تہیلہ چالیشمق ، ملتق سون ہر فرد متفكر ایلک وظیفہ سی اولق لازم کلوركن بزم بر طاقیم غرتہ جیلر منك طاقیندقلری وضعت علیہدارانہ ، ا کلاشیلمیہ حق معمالرذن دکلدر . کالہ ایرمش چیبانك اوزر بندہ کی صارغی سیلان قیجہ مانع اولہ مدینہ کی بونلرک ریاکار یازیلری دہ طغان ایله مشبوع ذہینلری نك ترشحانہ مخالفت ایدہ میور . تشبثك مقام مشیخت طرفندن وقوعہ کلہ سی ، اتخاذ اولنہ حق تدبیرلر دہہ اسلامی بر فایہ کوزہ دیلہ جکنی احساس ایلدیکی جہتلہ ، تورہ دیلر ، جان دامارلرندن وورولمشہ دونیور ! . چونکہ اوللر ، نہ مقام مشیختك ، نہ دہہ اسلامیاتك ایشہ قاریشہ سی ہضم

ایده منزل را. زوالی، مشیختک، باطل بولنامی ده، فعالیت کو سترمه سی ده کند یستی تنقید و مؤاخذنه دن قورناره میور. اویله ظن ایدیورز که دائره مشیخت، بوتون توابیله برابر، دولتک تشکیلات قادر وسندن طی ایدلسه، علمینده بسله ن بفض و کینلر، ینه تسکین اولنه میه جقدر! . دون، دینک دولندن تفریق و بناء علیه شیخ الاسلاملرک قایینه دن چکیلرک منحصرأ معنویاتله اشتغال ایتمه سی لزومنی ایلری سورنلرک، بوکون، اخلاق کی معنویاتی ده مقام مشیختک دائره اشتغالی خارجه حیقارمایه قالقشمه لری، آله یکیردیکی برقور بغیه: (هیغده دیسه ک سنی ییه جکم، قیغده) دین مشهور بر بیان حکایه سنی خاطر لادیور. نه اموردولته، نه دعاوی شرعیه ایله نه ده اخلاق اسلامییه ایله اشتغالی تجویز ایدله ن بر مقامک، کلیاً الفاسنی ایسته مک، یالیکز اخلاق اسلامییه ایله حق اشتغالی سلب ایتکه نسبتله ینه منطقی بر ذهنت اولور.

نشیات اخلاقیه ده اسلام برغایه کوزه دیلمه سی احتمالی، عیجا نیچون، بوغزته جیلر ایله هم فکرلرینک اعصابنده بودرجه کرکینلک حصوله کتیریور؟. اونلرک نه ایسته دکلرینی وسنه لردن بری نه ایچون چالیشدقلرینی بیلنلر، بو سؤاله جواب ویرمکه مشکلات چکملر صنایرز. اونلرک افراد ملتده کورمک ایسته دکلری، سفاهته عائد قورنک تربیه اجتماعیه سیدر. بوسوزمزدده کی (سفاهته عائد تربیه اجتماعیه) جهله سنه قارئلر مزک نظر دقتلرینی جلب ایدرز. چونکه قورنکلرده، سعادت مدنییه کافل تربیه فکریه و اجتماعیه بولندینی، مشهودمن دکلسده مسموعمن اولان آثار صمران و ترقیلرله ثابتدر، قورنکلرک احوالی، اثرلرله، قلملرله، افاده لرله بزه بیلدیرنلر، اونلرک مساعیلرنده کی انتظامدن، سوزلرنده کی صداقتدن، ایشلرنده کی جدیتدن، معاملهلرنده کی سرعت و استقامتدن، و وظیفهلرینه اهتماملرندن، حقوق متقابلهلرینه رعایتلرندن، علوم و فنونده کی ترقیلرندن، صنایع مدنییه کی تکمللرندن و منافع عمومییه منافع خصوصیه لرینه ترجیح خصوصنده کی فدا کارلارلارندن بحث ایتکده درلر. اگر بوخصائل و فضائل، حقیقه آنلرده موجودسه، (که موجودیتده شبهه من یوقدر) تربیه فکریه و اجتماعیلرینک نتایجی اولدقلری مستغنی ایضاح و اثباتدر. توفیق فکرت و عبدالله جودت مکتب لاسلامیسنک فخری شاگردلری

اولان نجم الدين صادق وامثالی بكار ، اكر مملكتتمزده ، بونوع تربيه فكريه
 و اجتماعيه نك تأسيس و تعميمنه چاليشه لردى ؛ بزده بوخصوصده كنديلرينه اولك
 آياق اولاماسوق بيله برابر يورومكه چاليشير و احكام اسلاميه نكده هپنزه رهبرلك
 ايتديكنى كورور ايدك . فقط اونلر ، مملكتتمزده ، اك چوق محتاج اولديغمز حالده ،
 اك آز مالك بولنديغمز اوعالى و انساني تربيه لرى ، ماوراي شعور و عقللرينه آناراق
 فرنكلرك ، قسماً دينلر نك مساعدسى و قسماً ده كندى مساعمه لرى يوزندن بك
 ايلرى كيتديكنى كوره لك شمدى منعه چاليشقلرى و مملكتتمزده ايسه ، بر آفت
 عموميه حالى آلان سفاهت اخلاقيه يي تقرير و تشديد كرمي ويريور و بومرض
 مهلك و مستولى يي ، اسلاميت تربيه فكريه و اجتماعيه سييله تداوى ايتك ايسته ين
 هميشخت و مدارسك دشمن بي امانى كسيلىورلار . سنه لردن بى ، بعضاً خفي و بعضاً
 جلي اوله ق صرف ايتدكلرى مساعى سايه سنده حصوله كلن بر سفاهت اجتماعيه
 نك ، اسلاميت تربيه فكريه و اجتماعيه سى كي بر ضابطه مانه نك مداخله سييله آلدن
 چيقمى احتيالي قارشوسنده قاله لرى ، كندى حسابلرينه ممنونيتله قارشيلانه جق بر
 طالع مقتضاسي دكلدر . سيار خاملك تشكلات بدنيه و الوان و جهيه سييله اونلرك
 ديدنه تماشاسى آره سنه ، چارشاف و پچه كي برر حائل كيرسون ، كلشن نسوانده
 باده لر و شرقيلرايله بر زم الف و صحبت عقد ايديله مسون ؛ بو تخم مسوز محروميه ،
 بو طاق تشكن مهجور يته ، اونلر قاتلانه منزل ا . نيشتر تشبثاتى بو درجه حساس
 و نازك بر جان دامارينه وورمق ايسته ين بر اخلاق آنجمنى ، بر شيوخ الاسلام ، بر
 اسلاميت تربيه فكريه و اجتماعيه سى ، طبيعى اونلرك دوستلغنى جلب ايدمىز ! .
 بك افنديلر ، غالباً هوسانه نفسانيه لر نك لطميننه مساعد بولنديغنى ايچون ، اخلاق
 اسلاميه كه كوستردكلرى دشمنلغك ، دولته ، ملتة ، مدنيت و انسانيت دشمنلق اولديغك
 يافرقنه واره مبورلر و ياخود هر شئي حظوظات نفسانيه دن عبارت صانورلر ا .
 اخلاقك بر ، فردى قسمى ، برده اجتماعى قسمى واردر . فردى اخلاق ايله
 هر كسك كندى نفسى علاقه داردر . اجتماعى اخلاق ايسه هر فردى كندى سييله
 علاقه دار ايدر . هر هانكي فردك ، منسوب بولنديغنى جمعيته مضر اولوب اولماديغى ،

اخلاق اجتماعیه سیله اکلا شیلور و هر جمعیتی مسعود ایدن ، افرادینک اجتماعی مکارم اخلاقیه ایله متخلق اولماسیدر . بشریتک انتظامی و حتی جمعیت حالنده یاشایه . بیلیمسی افراد بشرک اجتماعی مکارم اخلاقیه ایله متخلق بولماسنه متوقف اولدینی ایچون ، دین مبین اسلام ، فردی اخلاقی سوء استعمال ایدنلرک مجازاتی عالم عقبايه تأخیر بیوردینی حالده اجتماعی اخلاقی سوء استعمال ایدنلرک مجازاتی دنیاده چکدیرمک حکمتی کوستریبور . اخلاقسنر ، عقل ایله علمک انسانلره برشرف و یرمه چکی دوشونلورسه ، ابنای آدمک ، حیوانات سائرهدن جهت امتیازی عقل و علمدن زیاده اجتماعی مکارم اخلاقیه در دیمک دها موافق اولور . کذا (ولقد کرمانی آدم) آیت سماویه سندن اکلا دیغمز مکرمتی احراز ایتک ایچون اجتماعی مکارم اخلاقیه ایله متخلق اولمق لازم کله چکی کبی نبی حکیم افندمن حضر تریزک ، اتمامی ایچون کوندرلدیکینی بیان بویوردینی مکارم اخلاقیه نک فرد اکل ده شبهه سنر اخلاق اجتماعیه دره . (مسلمان او آمدرک نه قولیله ، نده فعلیله بشقه سنی ریجیده و متضرر ایتن) ما آئنده کی حدیث شریفده مسلمانلرک آنجق اجتماعی مکارم اخلاقیه ایله متخلق اولانلره حضر ایدله سی ، نقطه نظر مرکز قرینه قاطعه سی بولندینی کبی اسلامیتده اخلاق اجتماعیه یریلن اهمیت فوق العاده نک ده حجت قطعیه سیدر . ایشته اسلامیتک بوتربیه اخلاقیه سته دشمن اولمق ، دولته ، ملتیه ، ملایته و کتهایت انسانیتیه دشمنلق ایتمکدرک انسانیت حدودی خارجنه چیقلمادقجه بودشمنلق بابیله من و یا بیلمه ملیدر . بشقه سنی یا قولیله و یا خود فعلیله ریجیده و یا متضرر ایدنلری ، کامل بر مسلمان طائیان دین مبین اسلامک ، اهل اسلامه و یره چکی تربیه فکریه و اجتماعیه ، بشریتک کافل سعادت و سلامتیدر . انسانلرک اخلاق اسلامیه ایله متخلق اولدقلری کون ؛ قورد ایله قویونک برابر کزه چکلری بر عصر تکاملک مطالع اشراق اولور .

بوتون سکته ارضی ، اسلامیت تربیه فکریه و اخلاقیه سیله متصف کورمک آرزوسنی بسله مکدن بشقه برغایه مساعیدی اولمایان مشیخت و مدرسی ، انخساف و انکسافه اغراض اتمامیه چالیشانلر ، شبهه سنر انسانیتیه خیر خواه دکالردر . یوزلرنده کی پرده ریاهرته اولورسه اولسون ؛ مقام مشیختک تشبث اخلاقیسنی ، تزییف ،

استحقاق و استهزايله اشكاله سى ايدلارده حسن نيت آرامق ، صافدرونلق اولور .
(لاسلامى) لك ، مشيخت ومدارسه خصوصت طاشياق ايچون بر سانق اوله بيلير ؛
فقط انسانيتده عداوت بسلامه سنى توصيه ايتمز . بناء عليه مشيختك موجوديتنه دشمن
اولانار ، هيچ اولمازسه انسانيته عائد بولنان تشبثات اخلاقيه سنده عداوت كوستر مه
مليلردر . چونكه مالى ، حظوظات نفسانيه سنى وحتى جاني انسانيت اوغري سته
فدادن چكيني مهن (لاديني) لره ده تصادف ايدلارده در ا .

احمد شيراني

تستر ، فحش و اسباب فحش

تستر حد ذاتنده هر نه صورته تلقى ايديليرسه ايديلسين . بوكون تبين ايتمش
بر حقيقه قدركه قادينلر من ايچين تستر درجه الزميتده در . مع مافيه اشكال و صور
قطبيقيه سنده مسئله ديكشور . قادينلر منك طرز تلبسى قارناوالچيلرك بيله خنده
استهزاسنى ديله نيور . (موده) ديدكلرى بلای مدنيدين ضرب قور تولقى ايچين چير-
پندقيجه اوزلر لردن موکولن سردار قللى قاينورز .

انسان بو حاللى كوردجه - مع الاسف - وطنى بر مذهبيه ، قادينلارده
فخرى تنظيقات عمله سنده بكنزه ديور ،

صنف نسوان آره سنده مرتبه استثنائي احراز ايدلار يوق دكله سده اقليتده درلر ،
« بر ملنك نسوانى درجه ترقيسك ميزانيدر . » ديه نلر ايچين ترك قادينلار نه
آجى بر شهنامه تشكيل ايديلور .

انكليز قادينلارى خاتملر من ايچين نه كوزل بر نمونه در . انكليزلرك تلبسلرى ده
طبق روحارى كې متين ، نزيه و ساده در . عجبا ترك خاتملر غنات مليه و
و عقائد دينيه لريله مبسوطاً متناسب بر قوستوم ابداع و قبول ايدمزلرى ؟ و بو
ساده لكه ممزوج محاسنى عجبا كيم تقدير و تحمين ايتمز ؟ . . قادينك بو كونه موق
اجتماعيه نه نظراً لطيف و ساده بر قوستومله تستر ايتمى قبول ايتيه جك بر كسه